

Ўвд сән белдвр теткхми

Каспийск района колхозму-
ли н болн совхозин гардачнр,
малин специалистнр мал ўвл-
зўллгънә белдврин кōдлмшиг
сулар гардджана.

Келхд, эн колхозмудар бо-
ли совхозар тугълмуд бәрх
4 дулан хаша кергтә, терўнә-
снъ 2 ясгдад бел кедж, хōд
бәрх 41 хаша-хаац кергтә,
терўнәснъ ясгдад белн болснъ
31, хōбчнр бәәх 46 гер керг-
тә, терўнәснъ белн болснъ 39
гер, наадк дутджах хаша-ха-
ац болн хōбчнр бәәх гермўд
хезә тосхгддж, ясгддж белн

болхнъ одачн тодрха медгд-
джәхш.

Тер дотр „Каспиец“ колхоз
мал ўвлзўллгънә белдвриг
хашнъгар кеджәнә. Дакад
малин ўвлзнъгўр хот-хоолинъ
зōбдж белдлгън бас хашнъг-
дджана. Ўлгўрлхд, „Олениче-
вский“ совхозд (директорнъ
ўр Ковальский) хол бәәх ко-
шармудар ъвс зōбдж хуралгън
ода кўртл дуусгдад уга.

Ода дулан, хур-чиг уга цаг-
ла, малин хаша-хаац болн
хōбчнр бәәх гермўдинъ ад-
гъдж тосхддж, ясдж бел кех
кергтә.

Г. САНДЖ-ГАРЯЕВ.